



Cynhyrchwyd ar ran: AQA, CCEA, Pearson a CBAC

Hysbysiad i Ganolfannau

Cyfarwyddiadau ar gyfer cynnal arholiadau Gwrando TGAU a TAG Ieithoedd Tramor Modern a Gwyddeleg:

(Chwaraewyr CD a chwaraewyr MP3, gliniaduron, tabledi, dyfeisiau digidol eraill a digido deunydd gwrando)

Yn weithredol o 1 Medi 2021

1. Defnyddio chwaraewyr CD neu chwaraewyr MP3, gliniaduron, tabledi a dyfeisiau digidol eraill

1.1 Mae'r cyfarwyddiadau canlynol yn ymwneud â defnyddio chwaraewyr CD neu chwaraewyr MP3, gliniaduron, tabledi a dyfeisiau digidol eraill mewn arholiadau Gwrando TGAU a TAG:

(**DS** Dim ond ar gyfer arholiadau TAG y caniateir chwaraewyr CD a dyfeisiau digidol unigol.)

- **Rhaid** i'r swyddog arholiadau lofnodi am ddeunyddiau gwrando a ddarperir ar ffurf CD yn unol â chyhoeddiad y CGC *Cyfarwyddiadau ar gynnal arholiadau*.
- **Rhaid** i'r ganolfan ddarparu chwaraewyr CD, chwaraewyr MP3, gliniaduron, tabledi a dyfeisiau digidol eraill. Nid yw'n dderbyniol i ymgeiswyr ddarparu eu chwaraewr CD, chwaraewr MP3, gliniadur, tabled neu ddyfais ddigidol arall eu hunain **e.e. ffôn symudol**.
- Dylid llwytho deunyddiau gwrando TAG i lawr ar ddyfeisiau canolfannau, naill ai o safle allrwyd diogel y corff dyfarnu (neu o CD). **Ni ddylid gwneud hyn fwy nag un diwrnod gwaith cyn amser dechrau cyhoeddedig yr arholiad.**
- Argymhellir bod aelod o staff o adran TGCh y ganolfan neu'r swyddog arholiadau'n ymgymryd â'r dasg hon.
- **Ni all** athrawon pwnc wirio'r dyfeisiau digidol ar ôl llwytho'r deunyddiau gwrando i lawr.
- Dim ond y deunydd gwrando ar gyfer yr arholiad Gwrando TGAU neu TAG y gellir ei storio ar ddyfeisiau digidol. **Ni ddylid storio unrhyw ddeunydd arall.**

- **Rhaid** dychwelyd y deunyddiau cyfrinachol sy'n cael eu cyflenwi gan y corff dyfarnu ar gyfer yr arholiad Gwrando i gyfleusterau storio diogel y ganolfan cyn gynted ag y bydd y llwytho i lawr wedi'i gwblhau ar bob dyfais ddigidol.
- **Rhaid** dychwelyd pob dyfais ddigidol sydd â deunydd cyfrinachol wedi'i storio arni i gyfleusterau storio diogel y ganolfan.
Rhaid eu storio yn unol â chyhoeddiad y CGC *Cyfarwyddiadau ar gynnal arholiadau*. **Rhaid** trin y dyfeisiau digidol fel deunydd arholiad cyfrinachol tan y bydd yr arholiad wedi'i sefyll.
- **Rhaid** i'r swyddog arholiadau gadw cofnod o'r canlynol:
 - dyddiad llwytho'r deunydd cyfrinachol i lawr i bob un o'r dyfeisiau digidol;
 - pryd y cafodd y dyfeisiau digidol â'r deunydd cyfrinachol arnynt eu rhoi yn y storfa ddiogel; a
 - phryd y dilëwyd y deunydd gwrandio oddi ar y dyfeisiau digidol.
- **Rhaid** i ganolfannau sicrhau'r canlynol:
 - bod y ddyfais ddigidol o faint addas ac yn gallu cael ei gweithredu'n annibynnol;
 - bod pob dyfais ddigidol yn gweithio'n iawn pan fydd y deunydd gwrandio'n cael ei lwytho i lawr. Cyfrifoldeb y ganolfan yw cyflwr gweithio cyffredinol yr offer. **Ni fydd** cyrff dyfarnu fel arfer yn ystyried bod nam ar weithrediad y ddyfais ddigidol yn ddigon o sail dros wneud cais am ystyriaeth arbennig;
 - bod o leiaf un chwaraewr CD neu ddyfais ddigidol sbâr ar gael i ymgeiswyr pan ddefnyddir chwaraewr CD neu ddyfais ddigidol mewn arholiad Gwrando.
- **Ni ddylai ymgeiswyr fenthyg chwaraewr CD neu ddyfais ddigidol gan ymgeisydd arall wrth i'r arholiad fynd rhagddo, am unrhyw reswm.**
Rhaid i'r goruchwyliwr roi chwaraewr CD neu ddyfais ddigidol arall a ddarperir gan y ganolfan i'r ymgeisydd. **Rhaid** i'r ymgeisydd fod o dan oruchwyliaeth y ganolfan drwy'r amser a **rhaid** caniatáu iddo gael y cyfnod amser llawn a bennir ar gyfer yr arholiad.
- **Ar ôl cwblhau'r arholiad:**
 - **rhaid** tynnu'r ffeiliau gwrandio oddi ar y dyfeisiau digidol. **Rhaid** clirio ffeiliau oddi ar y dyfeisiau digidol cyn cychwyn ar unrhyw gyfres arholiadau yn y dyfodol;
 - gall y ganolfan gadw'r ffeiliau i'w defnyddio'n fewnol gydag ymgeiswyr yn y dyfodol.

Ni chaniateir i ymgeiswyr sy'n defnyddio gliniaduron neu dabledi ddefnyddio'r rhyngwrwyd ar unrhyw gyfrif. **Rhaid** analluogi mynediad i'r rhyngwrwyd am gyfnod cyfan yr arholiad.

Lle mae adrannau Gwrando, Darllen a/neu Ysgrifennu mewn papur cwestiynau, **rhaid** i ganolfannau roi lle gwag addas i ymgeiswyr gwblhau pob rhan o'r papur. **Ni ddylid** symud yr ymgeiswyr i ystafell arall i gwblhau rhannau gwahanol o'r papur.

Rhaid peidio â defnyddio'r addasiad tempo ar ddyfais ddigidol. **Rhaid** chwarae'r recordiad ar y cyflymder gwreiddiol.

2. Digido deunydd gwrando (Storio deunydd gwrando ar rwydwaith cyfrifiadur y ganolfan)

- 2.1 At bwrpasau digido'r deunydd gwrando TAG ar rwydwaith cyfrifiadur y ganolfan, gall canolfannau gyrchu'r deunydd gwrando cyfrinachol **hyd at** 1 diwrnod gwaith cyn amser dechrau cyhoeddedig yr arholiad. **Nid oes** angen ceisio caniatâd ymlaen llaw gan y corff dyfarnu.
- 2.2 Argymhellir bod aelod o staff o adran TGCh y ganolfan neu'r swyddog arholiadau'n ymgymryd â'r dasg hon. **Rhaid llwytho'r deunydd i lawr i adran ddiogel o rwydwaith y ganolfan, e.e. rhan o'r rwydwaith sydd ar gael i staff TGCh ond ddim ar gael i'r myfyrwyr tan yr amser a ganiateir.**
- 2.3 **Ni all** athrawon pwnc wirio'r deunydd gwrando a lwythwyd i lawr.
- 2.4 Unwaith y bydd y deunydd gwrando wedi'i lwytho i lawr, **ni ddylid** gadael yr ystafell/man arholi heb oruchwyliaeth na heb ei chloi. **Ni chaniateir** mynediad i'r rhyngwrwyd, data sydd wedi'u storio ar y gyriant caled nac unrhyw gyfryngau cludadwy fel disgiau hyblyg, CDs neu ffyn cof yn ystod yr arholiad.

3. Defnyddio clustffonau di-wifr

- 3.1 Mae'n hanfodol bod unrhyw glustffonau a ddefnyddir mewn arholiadau Gwrando yn galluogi'r ymgeisydd i gael mynediad i'r deunydd asesu a recordiwyd yn unig a dim byd arall. **Rhaid** i unrhyw glustffonau di-wifr/'earpods' ac ati felly fod yn rhai pwynt i bwynt ac nid rhai aml-bwynt. Os yw canolfan yn caniatáu i ymgeiswyr ddefnyddio clustffonau di-wifr o unrhyw fath, yna cyfrifoldeb y ganolfan yw sicrhau na all myfyrwyr gael mynediad i unrhyw beth ond y prawf Gwrando a recordiwyd drwy'r clustffonau.

Noder: rhaid i ganolfannau gyfeirio bob amser at y cyfarwyddiadau pwnc-benodol a gyhoeddir gan y corff dyfarnu perthnasol ar gyfer arholiadau Gwrando TGAU a TAG.